

FACULTATES ET RITUS  
BENEDICENDI AC IMPONENDI SCAPULARE  
SACRI CORDIS JESU



BX2157  
F32  
c.1

RE DE LA VISITATION  
RAY - LE - MONIAL  
1902

896

008996

BX2157

F32

c.1




1080021170

# FACULTATES ET RITUS

BENEDICENDI AC IMPONENDI SCAPULARE

# SACRI CORDIS JESU



UNIVERSIDAD AUTÓNOMA DE  
ALCALÁ DE HENARES  
Biblioteca Universitaria



MONASTÈRE DE LA VISITATION  
PARAY-LE-MONIAL

1902

LIBRERIA EMBLEMA  
45573

Méjico, 29 de Mayo de 1907.  
Este documento es auténtico y  
puede hacerse uso de la gracia en el  
contenido, según las condiciones que  
en él se expresan. Yo decretó el Almo. Sr.  
Arzobispo. Ov. fe.


BX2157

F32

Gerard M. Genera  
Sic

Visum et recognitum ut typis mandari possit.  
Augustoduni, die 4<sup>a</sup> Ibris 1902.

L. GAUTHÉY,  
Vic. gen.



FONDO EXETERIO  
VALVERDE Y TELLEZ

## LAURENTIUS MERLE


RECTOR ECCLESIAE MONASTERIO VISITATIONIS

ADJECTÆ IN OPPIDO PARAY-LE-MONIAL

DILECTO IN CHRISTO

R. D. Laurentius Valverde

Sacerdoti



SALUTEM IN DOMINO

Ex privilegio speciali nobis a Sanctissimo D. N.  
LEONE Papa XIII, die 19 Maii concesso, te dele-  
gamus ad benedicendum et imponendum utriusque  
sexus Christifidelibus SCAPULARE PROPRIE DICTUM  
DIVINI CORDIS JESU, formulam adhibendo die  
4 Aprilis 1900 approbatam.

In quorum fidem presentes litteras nostra manu  
subscriptas, sigilloque nostro munitas, expediri  
mandavimus.

008096

Datum Pareti Monachorum, anno millesimo  
nongentesimo *quinto* die *Vigesima quinta*  
mensis *Maii*

*P. Herby*

Rector Ecclesiae Visitacionis.



Visum et executioni mandatum

die

## RITUS ET FORMULA

### BENEDICTIONIS ATQUE IMPOSITIONIS SCAPULARIS SACRI CORDIS JESU.

*Suscepturnus scapulare Sacri Cordis  
Jesu genuflectat, et sacerdos Apostolica  
facultate pollens, stola alba induitus,  
capite detecto dicat:*

℟. Adjutorium nostrum in nomine  
Domini.

℟. Qui fecit cœlum et terram.

℟. Ostende nobis Domine misericor-  
diam tuam.

℟. Et salutare tuum da nobis.

℟. Domine, exaudi orationem meam.

℟. Et clamor meus ad te veniat.

℟. Dominus vobiscum.

℟. Et cum spiritu tuo.

OREMUS

Domine Jesu, qui ineffabiles Cordis tui divitas Ecclesiae sponsæ tuæ singulari dilectionis beneficio aperuisti : hoc scapulare ejusdem Cordis tui emblemate decoratum bene dicere digneris ; ut quicumque illud devote gestaverit, intercedente Beata et Clementissima Genitrice tua Maria, virtutibus et donis coelestibus ditari mereatur : Qui vivis et regnas, etc.

*Postea Sacerdos scapulare aspergit aqua benedicta illudque imponit, dicens :*

Accipe, frater, hoc scapulare Sacri Cordis Jesu, quo ornatus in honorem et memoriam amoris et Passionis ejus, per intercessionem Beatae Mariæ Virginis Matris Misericordiæ divinæ gratiæ largitatem et æternæ gloriæ

fructum consequi merearis. Per eumdem Christum Dominum nostrum. Amen (1).

*Deinde una vice cum adscripto dicat sive latino sive vernaculo idiomate sequentes preces jaculatorias :*

Jesu mitis et humilis corde, fac cor nostrum sicut cor tuum.

Maria Mater Gratiae, Mater Misericordiae, Tu nos ab hoste protege et mortis hora suscipe.

(1) Si scapulare mulieri imponatur, dicatur : Accipe soror, etc. Si vero pluribus, tum omnia plurali numero dicantur.

DECRETUM

Quo Caritas Dei per Spiritum diffusa constanter maneat et regnet in cordibus hominum, mirabiliter confluunt divina sacramenta et religiosæ celebritates.

Inter has accensenda est solemnitas in honorem Sacri Cordis Jesu ab Ecclesia instituta, per quam non modo Cor Filii Dei et hominis adorandum et glorificandum proponitur, sed etiam symbolice renovatur memoria illius divini amoris, quo idem Unigenitus Dei Filius humanam suscepit natram, et, factus obediens usque ad mortem, præbuit hominibus exempla virtutum, seque ostendit mitem et humilem Corde. Verum studiosa fidelium pietas alios invexit modos, quibus ad eumdem finem devotio erga Amantissimum Cor Jesu jucundis uberibusque fructibus ferax propagatur. Penes quamplurimos Christifideles pia ac laudabilis viguit ac viget consuetudo gestandi supra pectus emblemata ipsius S. Cordis Jesu, ad instar scapularis, quæ consuetudo a Beata Margarita Alacoque, quodam cœlesti lumine illustrata, originem duxit, et ab Apostolica Sede partialibus indulgentiis locupletata est. Quum vero similis devotio foveatur et majora

in dies capiat incrementa, præsertim in Galliis finitimisque regionibus, humiles enixaæque preces Sanctissimo Domino Nostro Leoni Papæ XIII porrectæ sunt, ut ad maiorem regni Christi ejusque divini amoris propagationem et gloriam provehendam, scapulare proprio dictum Sacri Cordis Jesu, cum apposito ritu et formula benedictionis atque impositionis, approbare dignaretur. Hoc scapulare conficitur ex binis de more partibus laneis, albi coloris, per duplice chordulam seu vittam conjunctis, quarum una habet emblemata Sacri Cordis Jesu, prout pingi solet, altera autem refert imaginem B. Mariæ V. sub titulo *Mater Misericordiæ*. Sanctitas porro Sua, has preces peramanter excipiens, ex Sacrorum Rituum Congregationis consulto, scapulare supra descriptum benedicendum atque imponendum ritu et formula, quæ huic præjacent decreto, ab iis tantum quibus facultas ab Apostolica Sede concessa fuerit, approbare dignata est. Contrariis non obstantibus quibuscumque.

Die 4 aprilis 1900.

Caj. Card. ALOISI MASELLA, *Pro-Datarius*

L. † S. S. R. C. *Pro-Praefectus*.

D. PANICI, *Secr.*

### AUGUSTODUNEN

Sanctissimus Dominus Noster LEO Papa XIII, in audiencia ab infrascripto Cardinali Sacrorum Rituum Congregationi Pro-Praefecto habita, die 19 vertentis mensis et anni, R. D. Rectori pro tempore Ecclesiae Monasterio ordinis Visitationis adiectae in oppido Paray-le-Monial vulgo dicto, intra fines Augustodunen. diecenses, perpetuum privilegium (absque ulla Apostolici Brevis expeditione) benigne attribuere dignatus est benedicendi atque impnendi utriusque sexus Christifidelibus Scapulare proprie dictum ejusdem Divini Cordis, ritum ac formulam adhibendo die 4 Aprilis hoc anno sacro legitime approbatam; facta quoque potestate ad ipsius Scapularis benedictionem atque impositionem delegandi quemlibet Sacerdotem e Clero tam Saeculari quam Regulari. Contrariis non obstantibus quibuscumque. Die enuntiata, h. e., 19 Maii 1900.

† Caj. Cardinalis ALOISI MASELLA, Pro-Datarius,  
S. R. C. Pro-Prefectus.

L. † S.

† D. PANICI, Archiep. Laodiceen.  
S. R. C. Secretarius.

Visum, recognitum et executioni mandatum,  
Augustoduni, die 31 Maii 1900.

L. † S. Adolphus-Ludovicus-Albertus Card. PERRAUD,  
Episcopus Augstod. Cabillon. et Matise.

### INDULGENTIAE

LEO PP. XIII

AD PERPETUAM REI MEMORIAM

Dilectus filius Cassianus AUGIER, sacerdos, præpositus generalis Congregationis Oblatorum B. M. V. Immaculatæ, retulit ad Nos, penes quamplurimos Christifideles piam ac laudabilem vigere consuetudinem gestandi supra pectus scapulare proprie dictum Sacri Cordis Jesu, confectum ex oinis de more partibus, quarum altera habet emblema Sacri Cordis Jesu, et altera imaginem refert B. Mariæ Virginis sub titulo *Matris Misericordiæ* nuper per decretum die quarta aprilis vertentis anni editum, a Sacrorum Rituum Congregatione approbatum, Nos autem, ut fidelium devotio et studiosa pietas erga amantissimum Jesu Cor diffusa constanter maneat et majora in dies incrementa capiat. oblatis Nobis precibus annuentes, quo tam frugifera consuetudo per christianum orbem latius propagetur, peculiaribus eam Indulgentiarum thesauris locupletari libenti quidem animo existimavimus. Quæ cum ita sint, de Omnipotentis Dei misericordia, ac

BB. Petri et Pauli App. ejus auctoritate confisi, omnibus et singulis fidelibus ex utroque sexu ubique terrarum existentibus, qui hujusmodi scapulare juxta formam confectum a Sacrorum Rituum Congregatione approbatam, et a sacerdote debita facultate predicto rite benedictum suscipient, die primo solemnis impositionis, si admissorum confessione expiati, sanctissimum Eucharistiae sacramentum sumpserint, Plenariam, et in cuiuslibet eorum mortis articulo, si vere quoque poenitentes et confessi ac sacra communione refecti, vel quatenus id facere nequierint, saltem contriti, nomen Jesu ore, si potuerint, sin minus corde devote invocaverint, et mortem tanquam peccati stipendum de manu Domini patienti animo susceperint, etiam Plenariam; iis insuper qui devote ipsum scapulare habitualiter gestent, si pariter vere poenitentes et confessi ac sacra communione refecti, Nativitatis, Circumcisio-  
nis, Epiphaniæ, Paschalis Resurrectionis et Ascensionis N. D. Jesu Christi festivitatibus, item festo Sanctissimi Corporis Domini, ac feria sexta post illius octavam, nec non Conceptionis, Nativitatis, Annun-  
tiationis, Purificationis, et Assumptionis

Deiparæ Virginis Immaculatæ festis diebus, ac die qua festum agitur Virginis sub titulo *Matris Misericordiæ*, propriam cuiusque curialem ecclesiam, sive aliud quodvis publicum templum sive sacellum, a primis vesperris usque ad occasum solis diei hujusmodi, singulis annis devote visitaverint, et ibi pro christianorum principum concordia, haeresum extirpatione, peccatorum conversione, ac sanctæ Matris Ecclesiæ exaltatione pias ad Dcūm preces effuderint, quo ex predictis die id præstiterint, Plenariam similiter omnium peccatorum suorum indulgentiam et remissionem misericorditer in Domino concedimus. Præterea iisdem fidelibus ubique terrarum similiter existentibus, et memoratum scapulare rite gestantibus, qui in festis secundariis tum Domini Nostri Jesu Christi, tum Deiparæ Virginis, corde saltem contriti, et preces uti superius effudentes, quodvis publicum templum ut supra dictum est visitent, de numero poenitium septem annos totidemque quadragenas; et quo die semel Orationem dominicam, Salutationem angelicam et trisagium recitent, contrito corde, aut invocationem: *Maria, Mater Gratiæ, Mater Misericordiæ, Tu nos ab hoste pro-*

*tege et mortis hora suscipe*, ducentos dies; tandem quotiescumque pietatis quodlibet sive charitatis opus exerceant, in forma Ecclesiæ solita, de poenaliū similiter numero sexaginta dies expungimus. Memoratis denique fidelibus largimur, ut si, designatis in Missali romano diebus, quamlibet ex ecclesiis vel publicis oratoriis supradictis, ubique terrarum, rite visitent, ibique injuncta pietatis opera peragant, Stationum nuncupatas indulgentias lucrari valeant ac si personaliter illis ipsis diebus almæ hujus Urbis ecclesias de more visitassent. Porro concedimus ut fidelibus iisdem liceat plenarii hisce ac partialibus indulgentiis functorum vita labes poenasque, si malint, expiare. Non obstantibus Nostra et Cancellariæ Apostolicæ regula de non concedendis indulgentiis ad instar, aliisque Constitutionibus et Ordinationibus Apostolicis, ceterisque contrariis quibuscumque. Præsentibus perpetuis futuri temporibus valutris, servata tamen Nostra constitutione quoad suspensionem indulgentiarum pro vivis hoc sacri jubilæi durante anno. Volumus autem ut præsentium litterarum transumptis, seu exemplis etiam impressis, manu alicujus notarii publici subs-

criptis, et sigillo personæ in ecclesiastica dignitate constitutæ munitis, eadem prorsus fides adhibetur quæ adhiberetur ipsis præsentibus si forent exhibitæ vel ostensæ; utque earumdem litterarum (quod nisi fiat nullas eas esse volumus) exemplar ad secretariam Congregationis Indulgentiis sacrisque Reliquis præpositæ deferatur.

Datum Romæ apud S. Petrum sub annulo Piscatoris die X julii MDCCCC, pontificatus Nostri anno vigesimo tertio.

ALOIS., card. MACCHI.

008096

SUMMARIUM INDULGENTIARUM  
CHRISTIFIDELIBUS SCAPULARE SS<sup>MI</sup> CORDIS JESU  
GESTANTIBUS CONCESSARUM

I. INDULGENTIÆ PLENARIÆ

1º Omnibus utriusque sexus Christifidelibus die impositionis scapularis, dummodo vere pœnitentes et confessi S. Synaxim sumpserint;

2º Christifidelibus sacrum scapulare gestantibus, a primis vesperris ad occasum solis sequentium dierum;

Nativatis	Domini nostri Jesu Christi.
3º Circumcisionis	
4º Epiphaniæ	
5º Resurrectionis	
6º Ascensionis	
7º SS <sup>MI</sup> Corporis Christi.	
8º Die festo SS. Cordis Jesu (feria VI post Octavam Corporis Domini).	
9º Conceptionis	B. Mariæ Virginis.
10º Nativitatis	
11º Annuntiationis	
12º Purificationis	
13º Assumptionis	

14º Die festo B. M. V. sub titulo « Matris Misericordiæ », dummodo dictis diebus vere pœnitentes, confessi ac S. Synaxi refecti, quamcumque ecclesiam seu publicum sacellum devote visitaverint, ibique pias ad Deum preces juxta mentem Summi Pontificis oraverint.

II. INDULGENTIÆ PARTIALES

1. *Septem annorum totidemque quadragenarum*, in festis secundariis tum Dni Nostri Jesu Christi, tum B. Mariæ Virginis, quæ ab Universa Ecclesia celebrantur ; dummodo corde saltem contriti quamcumque ecclesiam, seu publicum sacellum devote visita- verint, ibique uti supra oraverint.

2. *Ducentorum dierum*, semel in die si semel Pater, Ave et Gloria Patri etc. aut invocationem « Maria, Mater Gratiae, Mater Misericordiæ, Tu nos ab hoste protege et mortis hora suscipe » devote recitaverint.

3. *Sexaginta dierum*, quotiescumque pietatis aliquod sive charitatis opus exercuerint.

III. INDULGENTIÆ STATIONALES

Devote visitantibus quamlibet Ecclesiam seu publicum Oratorium, ibique injuncta

pietatis opera peragentibus, diebus in Missali Romano designatis.

Omnes et singulæ indulgentiæ superius relatæ, excepta tamen plenaria in mortis articulo lucranda, animabus quoque Christifidelium in Purgatorio degentium sunt applicabiles.

*Sacra Congregatio Indulgentiis sacrisque Reliquiis præposita præsens summarium, ex litteris Apostolicis in forma Brevis d. d. 10 Julii 1900 nunc primum excerptum, approbavit typisque imprimi ac publicari posse benignè permisit.*

Datum Romæ, ex secretaria ejusdem Sac. Congregationis die 13 Augusti 1900.

Pro Rmo P. D. Francisco, archiep. Amid., secretario.

JOSEPHUS COSELLI,

L. † S. Substitutus.

REDACTOR

REDACTOR

## MONITA PRACTICA

Sacerdotes sive regulares sive sœculares qui delegationem exoptant ad benedicenda imponendaque scapularia Sacri Cordis Jesu, eam de facili habere possunt a Rmo Patre Generali Congregationis Missionariorum Oblatorum Mariæ Immaculatae, **26, rue de Saint-Pétersbourg, Paris, VIII<sup>e</sup>**; a R. P. Superiori Capellanorum Ecclesia a SS. Corde, **31, rue de la Barre, Paris, XVIII<sup>e</sup>**; a rectore ecclesiæ *della Pace, Roma*.

Eamdem delegationem petere possunt a rectore ecclesiæ monasterio Visitationis adjectæ, vulgo **M. l'Aumônier de la Visitation, Paray-le-Monial, Saône-et-Loire**, mittendo 1 fr. pro sumptibus.

Opusculum cui titulus : *Le Scapulaire du Sacré-Cœur*, auctore P. Lemius, venit : 26, rue de Saint-Pétersbourg, et 31, rue de la Barre, Paris. Pretium 12 : 1 fr.; 100 : 6 fr.

*Brevior notio, imagine Scapularis ornata et licentia Ordinarii Augustodunensis edita*, venit : Monastère de la Visitation, Paray-le-Monial. Pretium 100 : 1 fr. 50, *franco* : 2 fr.

Scapularia ipsa inveniuntur apud sequentes editores : Bouasse jeune et Cie, 12, place Saint-Sulpice, Paris; Motte, 244, rue des Piats, Tourcoing, Nord; Ch. Bourgeois, 158, avenue du Maine, Paris; Ch. Diard, libraire, Paray-le-Monial, etc., etc.

СОБЫТИЯ

## ВЪДЪЛЪГАНИЕ

Съдът във Варна съди съдебната прокуратура за престъпление срещу националната и революционна безопасност. Съдът обяви обвинение на прокурорът във възпроизвеждане на съветския флаг и във възпроизвеждане на съветския гимн. Съдът обяви обвинение на прокурорът във възпроизвеждане на съветския флаг и във възпроизвеждане на съветския гимн.

---

Charolles, imprimerie de l'« Echo du Charollais ».

---

008